




EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.



• Kurzer Bericht:

Von der Curation der rohten
Kubr oder Dysenterix, so sehziger zeit
in der Stadt Marburg eingerissen/wie
sich hierin gesunde vnd krancke
zuerhalten.


Von den Professoribus Medicæ Facul-
tatis daselbsten dem gemeinen Mann
zu gutem in Truck verfertigt.



Gedruckt zu Magdeburg/durch
Andreas Duncker/ In vorlegung
Ambrosij Kirchners. 1598.

[Faint, illegible text, likely bleed-through from the reverse side of the page. The text is arranged in several lines and is mostly obscured by the paper's texture and color.]





Kurzer Bericht von der Curation der rohen Ruhr jeder Dysenteriae, so jetziger zeit in der Stadt Marburg eingerissen/wie sich hierin gesunde vnd francke zuuerhalten.

Nach dem in jetzigem fluxu Dysenterico augenscheinlich zuuernemen/das derselbigen vrsprung in zähen/rohen schleimen beharret/aus welcher schärpffe vnd säule ein giftige ansteckende Qualitet erwechset / so die Därme wund frisset/ vnd viele Blutstül mit trefflichem reissen vnd schmerzen abtreibet. Als mus die Curation dahin gerichtet werden/das zuorderst diese Schleim gelöset vnd abgeföhret/darnach die Därme gestreckt/das Blut gestillet/vnd ob etwas darin wund worden / zugleich mit geheilet werde. Vnd in deme so wol die gesunde von wegen dieser ansteckenden vnd giftigen Qualitet in gefahr leben / als auch die francke selbst schneller hülf bedürffen. Damit dann beyde theil eine nachrichtung haben/ wie sie sich vor solcher schwachheit bewahren / vnd præserviren, oder wie sie die eingerissene schwachheit hehlen/ vnd zu erreichung voriger gesundheit sich schicken vnd halten sollen: **Uij So**

Wie sich die
gesunde zu
halten.

S erfordert die notturfft / das erstlich die gesunden
eine fleissige auffsicht haben / auff alles das jenige /
was in essen vnd trincken / auch sonst in teglichem
Leben hierzu nützlich oder schädlich sein mag / jenes zu
gebrauchen vnd zuoben / dieses aber zuuermeiden / dar-
neben auch sich befleissigen / das der Mage vnd Zunge
wend gestärcket / vnd von seinen gefassten Schleimen
füglich erlediget vnd gereyniget werde.

Was sched-
lich vnd zu
vermeiden.

Vnd sollen demnach die jenigen / so noch nicht darmit
behaftet seyn / fliehen vnd vermeiden / alles grobe /
hardäwige / alte / magere / vnd aderige Fleisch / Sol-
perfleisch / so im Saltz gelegen / vnd ligt / gereuchert
Fleisch / vnd insonderheit Schweinenfleisch / alle feiste
schleimige Fisch / alle gesalzene Fisch / als Hering / Rein-
fisch / alle gedörte vnd geräucherte Fisch / als Stock-
fisch / Bäckling / vnd dergleichen.

Alle rohe Früchte / vnd sonderlich in gemeyn die
Pflaumen / Spilling / Pfersing / rohe äpfel / gar wäs-
serige vnd süsse Biren / Welschenuß / Haselnuß / etc.
Item Cucumern / Kürbs / Melonen.

Vom Gemüssen vnd Wurzeln / sollen sie vermei-
den den Rettich / Merrettich / Moren / Rüben / Zwie-
beln / Lauch / Knoblauch / Gappeskraut / Gressen / Senff
vnd was dergleichen mehr hitzige vnd eppige schärpffe
hat /

hat/oder sonsten grobe oder rohe vnd wässerige nah-
 rung gibt. Item alle arten der Waldschwämme.

Von Getrende/sollen sie sich enthalten der Bo-
 nen/Erbs/vnd Phasoln. Item alles hefftige vnd hitzi-
 ge Gewürk / vnd vber dis auch den Käß/sonderlich
 aber scharpffe vnd faule Käß.

Vnter den Säfte[n] vnd liquoribus sich des Es-
 sigs euffern. Item den sauren Wein / saur Bier/
 frisches Mosts von Obs/er sey auch wovon er wolle.
 Item die junge vnd trübe Bier/newe Wein / auch gar
 sirne vnd hitzige Wein/vnd faule Wasser. Dessen sich
 ein jeder nicht allein so viel möglich enthalten / sondern
 auch in den teglichen vnd nützlichen Speisen allen v-
 berfluß fliehen vnd meiden sol/ so auch auff die Malzeit
 oder vnter Tags nicht schlaffen/ desgleichen alle hefftig-
 ge harte vnd vngewöhnliche Leibs vbungen vnterlas-
 sen/ vnd endlich sich des zorns/vnmuts/vnd anderer
 schnellen bewegungen des Gemüts messigen.

Dargegen sollen sie gebrauchen / vnd sich befließigen Was nützlich vnd zu gebrauchen
 guter milder vnd woldätziger Speise: Als erstlich
 von Fleisch/Kindern/Kälbern / Hämmeln/ Geissen/
 auch von Hirsch vnd Reh Wildprät/ vnd auch von
 Hasen / so in dieser schwachheit sonderlich gut sind. In-
 sonderheit aber ist das Marck/ so aus obgesetzter Thie-

U iij ran



ren Knochen auffgehoben wirdt/ ein fürtreffliche Hülf
vnd Arzney in dieser schwachheit. Item von Hünern/
Hanen/ Gaphanen/ auch allem wilten Feld vnd Wald-
geügel/ gros vnd klein. Item frische Eyer. Von Fi-
schen kan man der Hecht/ Forellen/ Perffen/ Gründ-
len/ etc. gemessen. Item bisweilen von Plateisen/ vnd
sonsten frisch gedörrete Fisch/ so vber 1. oder. 2. Monat
nicht alt.

Von Früchten/ gute Biren/ Quitten/ Nespilen/
Elsbeer/ Gordelbeer/ Schlehen/ saure Kirschen/ Jo-
hansdreublin/ etc.

Von Getrende/ Reiss/ Hirsen/ Weizen/ Hafern/
Gersten/ sonderlich deroselbige Mehl oder geschelte
Kern/ welche man zuuor ein etwas rösten kan.

Von Gemüsen/ Kirblen/ Ampffer/ Satwampf-
fer/ Wegerich/ Endiuien/ Portulac/ roten vnd weissen
Mangold/ Peterseligen/ Fenchel/ Weinrebenblätter.

Ein gut wol ausgebacken reyn Brod von Ko-
cken/ Gersten/ oder Weizen. Vom getrenck ein gut reyn
wolgesotten Bier/ so vnter 6. wochen zum wenigsten
nicht alt/ auch zuzeiten ein gelinden guten Wein/ Quit-
ten/ Schlehen/ oder Kirschenwein.

Von welchen allen man nach gelegenheit vnd not-
turfft sieden/ brachten/ Brülin/ Brey vund Nüsslin
vnd sonsten andere arten von speisen vnd essen zuri-
cken kan. Deren

Derer sich ein jeder messig/ vnd nur nach not-
turfft gebrauchen / darneben acht haben sol/ damit der
Leib teglich zum Stul vnd Harn richtig sey / zuzeiten
auch ob er kan ein guten Schweiß halte. Auch sol
sich ein jeder nach seiner gelegenheit von den Mahlzei-
ten vben/ vnd den Leib zimlich erregen/ auffß essen aber
zum wenigsten ein par stunde ruhig sein / auch zu rech-
ter zeit des Schlaffens pflegen/ vnd sonst ruhiges Ge-
müts sich beflüssigen.

Die Stärckung des Magens vnd Ingetwends / wie
auch deroselbigen erledigung von dem Schleim be-
langend / deren sich hierneben auch sonst ein jeder zu-
beflüssigen hat / kan ihme ein jeder ein vorrath schaf-
fen von gutem Rosenzucker / Quittenlattwerge / ein-
gemachten Quitten / Schlehen / sauren Kirschen / oder
deren Kirschenmuß / eingemachten Myrabolanen /
eingemachte Nespilen oder Elsbeer. Item sonst von
Biren / Quitten / Schlehen / Kirschen / entweder rohe
auffgehoben / oder gedörret hingelegt. Vnd nach dem er
von denen etliche zuwegen gebracht / sol er jedes mor-
gens vnd abends von der eingemachten stücken ein ei-
ner welschen Nuß gros einnehmen / vnd essen. Oder so
er lieber anders gebrauchte / oder die eingemachte stück
nicht haben köndte / mag er ihme Biren oder Quitten
also

Stärckung
des Magens
vnd Inget-
wends.

8 Kurzer Bericht von der Curation.

also drucken braten / mit etwas Fenchel bestrawen / vnd wie obstehet darvon essen / oder das gedörrete Obs essen / vnd also gebrauchen / wirdt er darvon dem Magen gute gelegenheit erlangen / vnd beneben obgesekter observation in essen vnd trincken sich genugsam praeserviren.

Eröffnung
vnd reinigung
des
Leibes.

Wenn er sich auch hartleibig befände / oder verstopfte würde / mag er entweder 1. lot Schleemblüt in ein Tüchlein binden / vnd vbernacht in ein halbe maß Wein oder Bier legen / offt austrucken / vnd ein par Tage zu jederer Malzeit hiervon trincken / oder aber ein halb pfund Zweygen nemen / vnd darunter 2. quint. Myrabolanar: Chebulor: oder 2. lot. Manne thun / vnd zu einer dicken Brüe mit Wasser sieden lassen / solche Brü trincken vnd den Leib darmit öffnen.

Sonsten sol ein jeder neben diesem zu 4. oder 6. wochen einmal 1. quint. Lerchenschwamm / so mit einer Raspen klein zerfeilet / in ein sechzehenden theil einer maß Wein vbernacht legen / des morgens solchen Wein durch ein Tuch giessen / jedoch nicht austrucken / denn die trübe oder substanz des Lerchenschwammis macht reissen im Leibe / sondern also lauter mit 4. lot purgirenden Rosensafft vermengen / morgensfrüe trincken / vnd sich darmit purgiren. Vnd welcher sich in diese sachen gemelter massen schicken wird / der wird sich von diesem morbo

der rothen Ruhr.

morbo also schätzen / das er nicht leicht deswegen an-
gefochten werden kan. Vnd ob sich zutrüge / daß er
gleich vom Gifte angestecket würde / so wirdt ihme doch
solchs so hefftig nicht zusehen / sondern er dessen ohne
sondere mühe ledig werden können.

Die Krancken / vnd die jenige betreffend / so diese
schwachheit schon bekommen haben / müssen neben
obstehender ordnung noch etliche sondere Regeln in es-
sen vnd trincken halten / vnd darneben ihnen bald mit
bequemen Arzneyen zu hülff kommen lassen.

Curatio
der Kran-
cken.

Vnd so viel dieselbige Regeln des Lebens anlangt /
dieweil alle solche Krancken wegen des schwachen
Magens vnd Eyngewendts nicht wol dauern / auch die
wunden Derme des vielen durchgehens nicht wol
warten können / so erfordert ein solche schwachheit an-
fangs bey einem jeden tenuem victus rationem, das ist /
ein gar schlechte vnd geringe Küchen. Derohalben sol
ein solcher Krancker die erste drey Tage / so fern es
krefften halber möglich / sich der Speise enthalten / vnd
fasten / oder aber se mit wenigem essen sich benügen las-
sen / als nur etwa ein geschelte Gersten / Haferbrü / oder
Breylin / Weizenbrey mit ein Eie / oder dergleichen
Speise einer des Tages behelffen.

Ordnung
des Lebens.

B

Nach



Nach solchen drehen Tagen mag er ihme ein sässe
Geyssen oder Rühmilch / darin ein glimmiger Staal
oder Kieselstein ausgelöschet / so lang sieden / das der
mehrer theil vom Molcken oder Gewässer versotten/
Darnach geröste Beckschnitten daran schneiden / ein
wenig Zucker darzu thun / vnd essen.

Auch mag er in solcher Milch ein Eysdotter
gerühren vnd genießen.

Were aber ein Feber darbey / so pfeget man vnter
solche Milch den vierden theil von gestaheltem Regen
oder Brunnenwasser zuuermengen / vnd es sonsten
darmit machen wie obstehet / folgendts gibt man ihnen
auch von Reiß / Hirschen / geschelter Gersten / Haser-
mehl / Weizenmehl / Stärckmehl / allerhand gekochte
Speisen / nach dem es die noth vnd gelegenheit erfor-
dert.

So man ihnen von Quitten / Biren / oder ande-
ren dienlichen Früchten etwas zur Speise geben wil /
so brätet man deren etlich / man drucket aber aus etli-
chen den safft / vnd schneidet 1. oder 2. gebratene Biren
oder quitten fein klein darein / vnd lasse sie hieruon mit
gerösteten Beckschnitten oder Brod essen / dieweil son-
sten die substanz raw ist / vnd wenn deren viel ist / den
wunden Därrnen wehe thut.

Des gleichen machet man es auch mit den Flei-
schen!

schen/von welchem man Krafftbrüen vnd Zerstoffene-
brüen/ wie auch den safft vom gebratens (welches/
wenn es jeko bald gar werden wil / man mit vielen sti-
chen vnd schnitten durchschneidet / vnd den safft also
heiß daraus lauffen lesset) fein zurichtet / vnd etwas
feistes vom Braten klein darunter hacket/oder geröste
Weckbrosamen darunter reibet/ vnd sie daruon essen
lesset.

Sonderlich aber wird vom Hasengebratens /
vnd allem so ohne Essig vom Hasenschweis gemacht
wird / hierzu wolgehalten.

Vor den Franck geb man ihnen gestahelt Ger-
stenwasser / zuzeiten auch ein trincklein rohten Wein/
Quitten oder Schlehenwein / oder ein Mastixwasser /
ein halb lot Mastix in einer maß Wasser gesotten / so
hierzu gar gut vnd dienlich ist.

Es bewege sich auch oder gehe der Krancke in
dieser schwachheit nicht viel / liege oder sitze stille / denn
vieles regen vermehret diese schwachheit.

Er schlaff wenn vnd wie viel er kan / denn der
Schlaff ist ein Arzney zu dieser schwachheit.

Vnd hâte sich vor Zorn vnd Unmut / sey gedül-
dig vnd erwarte der zeit / bis Gott zu guter zeit besse-
rung schicket.

Gebranch
der Arzneyen

MAn sol aber nicht unterlassen beneben diesem als bald auch den gebranch der Arzneyen im ersten anfang der schwachheit anzustellen.

Erbrechen.

Vnd wo fern es möglich / vnd einer zum erbrechen geschickt ist / so sol ein Krancker / so bald er sich behafftet befindet / ein wenig Honig vnd Baumöl mit warmen Wasser vermischen / solchs laßlecht bis zum widerwillen trincken / mit einer Feder so in Baumöl genetzt offte im Hals kriehlen / vnd sich wol erbrechen / darn solchs wendet die Schleim vom schaden zurück / vnd purgiret sie auch aus dem Leibe.

Aderlasse.

Ist der schmerz so hefftig / das man sich einer entzündung zubesorgen / oder ein Feber darben / vnd der Kranck vollblätig ist / so lest man ihme ein Ader auff der Hand oder auff dem Arm / doch lest man nicht oberflüssig / sondern nur ein lot 10. 12. oder 14. nach gelegenheit der krefftten.

Purgation.

Nach dem erbrechen oder nach der Aderlas gibt man ihm folgendes Tags ein solche purgation : Als man nem Puluer von Rhabarbar 1. quint. vnd von Myrabolanis Citrinis ein halben scrupel / man röste dis ein wenig in einer Pfannen / man thue darunter ein Messersspitz

ferspitz voll der Gewürz diamargariton: frigidi, vnd
 vermeng es in ein wenig Daubenkropffwasser / Weg-
 breitenwasser / oder warmen Bier / vnd laß es den
 Kranken morgensfrüe trincken / vnd sich damit pur-
 giren / vnd ist er starck genug / so thu er solchs 2. Tage
 nach einander / wird es die Schleim hinweg bringen /
 das man darauff desto sicherer das Blut vnd Bauch-
 fluß stopffen vnd stillen dörffe. Jedes Tages aber wenn
 er dis gebraucht / so nem er gegen Abend ein halb loth
 Melonensamen / Item Wegbreitensamen / Sa-
 werampffersamen / Lactuc / vnd Portulacsamen / jedes 1.
 quint. man zerstoß die kleine samen erstlich in ein Mör-
 ser / darnach die Melonensamen darunter / je mit zuthun
 eins tröpflein Wassers / bis man nichts ganzes mehr
 darein sieht / man thue .6. oder 8. geschelte Mandeln
 darzu / stosse sie auch / endlich gieß man 14. oder 16. loth
 Daubenkropff / Wegbreiten / oder Sa-
 werampfferwas-
 sers daran / man rühre es durcheinander / man seige
 vnd trucke es durch ein Tuch wol hart aus / vnd las es
 den Kranken trincken / wenn er schlaffen wil.

In dessen dis geschicht / wer alsdann Clistir gebräu- Clistir.
 chen kan / der thut am besten / dz er sich alsbald nach
 der purgation teglich Clistiren lasse / vnd gebrauch die
 erste 2. Tage teglich 2. mal ein solch Clistir. Als man
 nem geschelte Gersten 1. handvol / rohte Rosen ein hal-
 be hand-

be handvoll / man siede das in gestäheltem Wasser /
 oder so der schmerz gar hefftig / in gestähelter Milch /
 bis die Gersten wol zerbrosten / dieses Wassers nem
 man ein Nösel / man zerschlahe darein 2. Ehesdotter /
 vnd 4. lot Zucker / oder 2. lot Rosenhonig / vnd bringe
 es bey sich etwas wärmer als Milch warm / wird die
 Schleim lösen / den schmerzen lindern / vnd sehr wol
 dienen : Nach diesen 2. Tagen machet man das Glistir
 wie vor / allein das man noch ferner ober das vorige
 darmit siede ein ganze handvoll rohte Rosen / vnd et-
 wa 1. lot geschelter Gersten / vnd darzu thun 3. oder 4.
 lot verscheumpten Wegebreiten / Weiderich oder We-
 gegrassafft / vnd der Brü so viel nem als vor / thu die
 Ehesdotter vnd Zucker darzu / vnd gebrauch solches
 aber 2. Tage / teglich 2. mal oder mehr / ob es noth wer :
 Wenn er diß auch 2. Tage gebraucht / so mache er als-
 dann ein Glistir so stercker stopffet / vnd nem ganze
 Gersten in einer Pfannen geröst 1. handvoll / Wege-
 breitenbletter / Weiderich / Wegegras / Däschelkraut /
 Brensing / Fünfffingerkraut / Pfemningkraut / Hasen-
 pfodlin / rohte Rosen / vnter diesen Kreutern 4. oder 5.
 welche er am besten haben kan / jedes 1. halb handvoll /
 diß sied man in Wasser bis die Gersten brisset / man
 nem der Brüen 1. Nösel / vnd thue darein Wegebrei-
 tensafft 4. lot Hirschenmarck 2. lot / vnd bringe es 2. ta-
 ge teglich

ge teglich 2. mal bey wie obstehet/ vnd ob ferner stopf-
 fung von nöhten/so siede man denn 2. Tag Gallöpfel/
 Naterwurk/ vnd Cipressenuß/ jedes 1. lot im vorigen
 Glistir/ vnd gebrauch es wie obstehet/ wird es sich mit
 Gottes hülf stillen/ vnd wenn man nur damit zusicht/
 das man sie ein wenig wärmer als Milch warm/ oder
 so warm als ein Suppen zu sein pflieget/ die den Mund
 nicht brenne/ beybringt/ so hat man sich durchaus kei-
 ner beschwerung zubefahren/ sondern ist ein treffliche
 Arzney hierzu.

So bald auch wenn man die erste 2. tage Glistir gebraucht/ oder
 so man die nicht brauchen kan/ als bald nach der purgation/ ge-
 brauch man ein von den stopffenden Pulueren / als gepülueret
 Hirschafft/ gebrent Hirschhorn / *Terram sigillatam*, *holum*
Armenum, von einem vnter diesen 1. quint. vnd thu darzu etwa
 4. grain Einhorn/ oder des verordneten Puluers / vor die rothe
 Ruhr aus der Apotecken 1. quint. vnd trincke es mit gestaheltem
 Wasser/ oder mit Wegebreitenwasser etliche tage alle Morgen/
 gegen dieselbtge Abend aber/ nem man ein solch Träncklein/ als
 man nem Syrupi de papavere, Myrtini, jedes 2. lot Wegebrei-
 tenwasser 6. lot/ rothe Corallen/ bereiten Boli/ jedes 1. halb scrupel/
 man geb ihm diß wann er schlaffen wil. Auch mache er behungen
 von Grensing/ Daischelkraut/ Weiderich/ Wegegras/ Pfennig-
 kraut/ Fünfffingerkraut/ deren 2. oder 3. welche er haben kan in ein
 Säcklin gemacht/ vnd den Leib warm darmit gebehet/ vnd schmirre
 den Bauch vnd Nieren mit Quittendöl/ wird er hier von scheinli-
 che linderung befinden. Es wird sonsten der vnterschied gehalten/
 wenn die obere kleine Därme behofftet/ das man in solchen fall die
 Tränck/ purgation/ vnd stopffende Puluer gebrauche/ vnd wenn
 die

Stillende
PuluerStillende
Tränck.Behungen
vnd Salben.

16 Kurzer bericht von der Curation der rothen Ruhr
die grosse vndere Därme krank sind/alsdann die Clistir nütze/dies
weil aber nicht ein ieder solchs vnterscheiden kan/ist am sichersten/
d; er sie beyde zusammen gebrauche/oder so er vor einem ein abschew
hette/alsdann das ander desto fleissiger im brauch habe / wird er
darmit one d; was von Gott möglich zuerhalten/zurwege bringen.

Curation
der saugens
den Kinder.

Wenn kleine Kinder behaffet werden/ so noch saugen/so gib
man der Saugerin alsbald 1. quint. Rhabarb. wie obstehet/
vnd lest das Kind von ihr saugen/vnd sich purgiren/nach der pur-
gation gibt man ihm von gepüluertem Hirschschaffe/ 1. scrupel/
oder 1. scrupel gebrand Hirschhorn/ oder 1. grani Einhorn / oder
etwas Terra sigilla: vnd rothe Corallen im Brey zuessen / man
machtet ihm die Breylin von gestahelter vnd wolgesottener Milch.

Man behet ihm den Leib mit obstehenden Kreutern/ man lest
es auch auff ein Secklin voll Kreuter zur behung also warm sitzen/
vnd schmiret es am Bauchlin vnd Rücken mit Quittenöl oder Ros-
sen salbe/ man lest es zuzeiten gestahelte Milch trincken/ auch mag
die Saugerin fleissig vber Wegebretten/ Weiderich/ Wegegras/
oder Naterwurk trincken.

Curation
der Kinder
so etwas er-
wachsen

Seuget es aber nicht mehr/ so gebe man ihm anfangs 2. löffel
voll purgtrenden Rosensaft/vnd las es vber Schlehenblut 2.
tage trincken/ darnach halte man es wie jeko von den saugenden
Kindern gemele/vnd ob sie es leiden könten/so richte man die Clis-
tir in der ordnung zu wie obstehet/ vnd bringe von denselbigen
ihnen ein halb Nösel oder 1. Weinglas voll nacheinander bey/ vnd
halte hiermit an bis sie gesund werden.

Vnd so sich etwa ferner was zu trüge/welches sie aus diesem
bericht nicht genugsam richtig machen könten / mügen sie sich bey
den nechstgefessenen Medicis ferner raths erholen / vnd mit hülf
derselbigen bis zur besserung vollends verfahren.

Gb 1801

ULB Halle
003 914 925


3




5/2


1077








12.



Kurzer Bericht:
Von der Curation der rohten
Ruhr oder Dysenteriaë, so sehtiger zeit
in der Stadt Marburg eingerissen/wie
sich hierin gesunde vnd krancke
zuerhalten.
Von den Professoribus Medicæ Facul-
tatis daselbsten dem gemeinen Mann
zu gutem in Truck verfertigt.



Gedruckt zu Magdeburg/durch
Andreas Duncker/ In vorlegung
Ambrosij Kirchners. 1598.

